

鄭東角壯詩鈔

庚寅第一鈔

杜詩鈔卷之二

卽墨鄭杲學

贈李白 相期也天寶初年風俗鄙詐故賢者相期隱也

二年客東都所歷厭機巧野人對羶腥蔬食常不飽豈無青精飯使我
顏色好苦乏大藥資山林跡如掃李侯金閨彥脫身事幽討亦有梁宋
遊方期拾瑤草

注金閨金馬門是也太白以天寶三年召入翰林賜金放還至東
都受道籙于紫極宮云將東歸蓬萊是時公奉大母客居東都有
隱志感太白之趣作此詩也野人自謂也我厭都人鄙詐不復羨
人羶腥得從道士飯青精足矣但以貧故不能隱耳太白學仙有
託而逃耳于是方將遊梁宋與公之客東都同也故曰亦有

貧交行 刺時也蘇文忠謂時者君與相爲之歐陽文忠謂小人無

朋然則李林甫爲相小人道長故天下無朋矣

翻手作雲覆手雨紛紛輕薄何須數君不見管鮑貧時交此道今人棄如土

興也君不見呼明皇而告之也風俗衰薄天子所宜憂省

遣興五首 舊次秦州詩今案當是天寶八載後楊氏勢橫時也

朔風刺不均也

朔風飄胡雁慘澹帶砂礫長林何蕭蕭秋草萋更碧北里富薰天高樓夜吹笛焉知南鄰客九月猶絺綌

興也北里蓋楊氏五家輩所居

長陵刺猥薄倖進也

長陵銳頭兒出獵待明發
駢弓金爪鏑白馬蹴微雪
未知所馳逐但見暮光滅
歸來懸兩狼門戶有旌節

興也國忠不學無行以善蒲櫟進

漆有用歎蕭炆也

漆有用而割膏以明自煎蘭摧白露下桂折秋風前
府中羅舊尹沙道尙依然赫赫蕭京兆今爲時所憐

興也炆有才而附李林甫天寶八載楊國忠誣奏坐贓遣逐林甫
不能救箋引國史補曰宰相禮絕班行府縣載沙填路自私第至
于城東街張籍沙隄行云白麻詔下移相印新隄未成舊隄盡今
案炆爲京兆尹正宜爲林甫填道今相印未移而舊尹已敗蓋勢
已暗移于楊國忠矣

猛虎戒元惡也

猛虎憑其威往往遭急縛雷吼徒咆哮枝撐已在脚忽看皮寢處無復睛閃爍人有甚于斯足以勸元惡

興也箋云指吉溫之流今案似指王鉷輩鉷以聚斂貴國忠亦以聚斂驟遷後之視今當如今之視昔矣

朝逢解惑也

朝逢富家葬前後皆輝光共指親戚大總麻百夫行送者各有死不須羨其強君看束練去亦得歸山岡

興也觀於死之日苦狗富貴何爲哉

秋雨歎三首 刺明皇也姦臣蒙蔽士氣摧傷人民困瘵君德隱曜也

雨中百草秋爛死
階下決明顏色鮮
著葉滿枝翠羽蓋
開花無數黃金錢
涼風蕭蕭吹汝急
恐汝後時難獨立
堂上書生空白頭
臨風三嗅馨香泣

闌風長雨秋紛紛
四海八荒同一雲
去馬來牛不復辨
濁涇清渭何當分
禾頭生耳黍穗黑
農夫田婦無息消
城中斗米換衾裯
相許寧論兩相直

長安布衣誰比數
反鏐衡門守環堵
老夫不出長蓬蒿
稚子無憂走風雨
雨聲颼颼催早寒
胡雁翅濕高飛難
秋來未曾見白日
墜汚后土何時乾

託喻之興也
雨喻亂政
百草喻衆人
披靡決明喻賢人
獨立久被摧傷
恐亦改節也
同雲喻蒙蔽
馬牛涇渭喻是非顛倒
賢不肖混

淆禾黍傷喻民困也斗米換衾裯明傷稼矣箋注引天寶十三載
秋霖雨六十餘日上憂傷稼國忠取禾之嘉者獻之曰雖雨多不
傷稼也長安布衣指賢而在下之人老夫喻君子隱伏稚子喻小
人無識乘亂政而得意雁陽鳥喻志在君之人日喻人君陽德煦
下土箋注引九辯曰皇天淫溢而秋霖兮后土何時而得乾

苦雨奉寄隴西公兼呈王徵士

隴西公卽漢中王
稱徵士瑯琊王澈

相期勉也

今秋乃淫雨仲月來寒風羣木水光下萬象雲氣中所思礙行潦九里
信不通悄悄素漚路迢迢天漢東顧騰六尺馬背若孤征鴻劃見公子
面超然懽笑同奮飛旣胡越局促傷樊籠一飯四五起憑軒心力窮嘉
蔬沒溷濁時菊碎榛叢鷹隼亦屈猛烏鳶何所蒙式瞻北隣居取適南
巷翁挂席釣川漲焉知清興終

以苦雨託興也羣木二句喻蒙蔽之時萬物受困也行潦喻奸臣
阻我志不得通至于心力窮而無如何也嘉蔬二句喻善類淆于
濁俗君子見傷小人也鷹隼喻林甫末年勢挫於國忠也烏鳶喻
己與瑀澈也末四句相期安隱不改其樂也

九日寄岑參 相期勉也

出門復入門兩脚但如舊所向泥活活思君令人瘦沈吟坐西軒飲食
錯昏晝寸步曲江頭難爲一相就吁嗟呼蒼生稼穡不可救安得誅雲
師疇能補天漏大明韜日月曠野號禽獸君子強逶迤小人困馳驟維
南有崇山恐與川浸溜是節東籬菊紛披爲誰秀岑生多新詩性亦嗜
醇酎采采黃金花何由滿衣袖

興也猶前雨也雲師喻姦臣蒙蔽川浸溜山喻亂將作而傾覆也

末六句期與岑共保晚節也

柯劭忞曰維南有崇山詩詠具瞻之義恐與川浸溜言其不足弭亂

送率府程錄事還鄉

程攜酒饌相就取別
翔詩中今案當是居率府時作

美之也美其

歸隱因以堅之

鄙夫行衰謝抱病昏忘集常時往還人記一不識十程侯晚相遇與語
才傑立薰然耳目開頗覺聰明入千載得鮑叔末契有所及意鍾老柏
青義動修蛇蟄若人可數見慰我垂白泣告別無淹晷百憂復相襲內
愧突不黔庶羞以調給素絲挈長鱗碧酒隨玉粒途窮見交態世梗悲
路澀東風吹春冰決莽后土濕念君惜羽翮既飽更思戢莫作翻雲鶻
聞呼向禽急

知非鳳翔時者公以夏至鳳翔不得有東風吹冰也知非乾元元
年春者方官拾遺不應突不黔反戀率府錄事之周給知非未官

率府以前者已方獻賦不應勸人決然若此故是官率府參軍以
後矣公之獻賦也據舊書則天寶十載據新書則十三載未知孰
是矣然其官定後戲贈云耽飲須微祿狂歌託聖朝故山歸幸盡
回首向風飈味其詞意猶有優遊吏隱之趣其懷乎有去志也蓋
自十四載正月祿山入見上于華清宮始也東風吹冰殆此時也
與

晦日尋崔戢李封

晦日謂正月晦日蓋天寶十五載正月也舊次鳳翔詩中今移置奉先詩中

隱居憂

時也

朝光入甕牖戶

一作方宴

寢驚敝裘起行視天宇春氣漸和柔興來不暇

嬾今晨梳我頭出門無所待徒步覺自由杖藜復恣意免值公與侯晚
定崔李交會心真罕儔每過得酒傾二宅可淹留喜結仁里歡况因令

節求李生園欲荒舊竹頗脩脩引客看掃除隨時成獻酬崔侯初筵色
已畏空尊愁未知天下士至性有此不草芽既青出蜂聲亦暖遊思見
農器陳何當甲兵休上古葛天民不貽黃屋憂至今阮籍輩熟醉爲身
謀威鳳高其翔長鯨吞九州地軸爲之翻百川皆亂流當歌欲一放淚
下恐莫收濁醪有妙理庶用慰沈浮

興也隱居故自樂亂機不轉故憂時原注云正月晦日草芽蜂聲
是其時矣知是天寶十五載者長鯨地軸等語惟此爲合也若至
德二載正月晦日則方潛行曲江不得如此從容且楊氏已誅羣
公戮力不效阮籍熟醉矣若乾元以後則賊已不足憂所憂在朝
政不綱天下徐入于衰壞無大賊猝發倉皇不支之勢也故知是
天寶十五載正月晦日也

喜晴

蓋十五載春桃李花時也舊次鳳翔詩中今移奉先詩中

隱居求志也公之遠希龐公久

矣至此已傷遲暮然且旅食依人求爲避世鹿門不可得也託諸懸想而已然而詞氣溫厚若此是難能也

皇天久不雨旣雨晴亦佳出郭眺西郊肅肅春增華青熒陵陂麥窈窕桃李花春夏各有實我飢豈無涯干戈雖橫放慘澹鬪龍蛇甘澤不猶愈且耕今未賒丈夫則帶甲婦女終在家力難及黍稷得種菜與麻千載商山芝往者東門瓜其人骨已朽此道誰疵瑕英賢遇轍軻遠引蟠泥沙顧慙昧所適回首白日斜漢陰有鹿門滄海有靈查焉能學衆口咄咄空咨嗟

興也皇天久不雨至得種菜與麻實景也然而只是興也千載已下空言也然正是詩之思也吳草廬譏後人學毛詩以小序爲題

目草廬所譏真學詩之要領也然而以爲譏者非一旦一夕之故也且夫詩安得有題目但有思耳情動於中而形於言不欲徑直是以有託物以爲興其有篇目也取篇首一言用便稱舉而已於詩旨無與也其以篇目明揭詩旨者自離騷始也是自作序也其以託興之物爲篇目者自漁父卜居始也是後世詠物名篇之祖也相如子雲諷一勸百爲投時君之好故也非文藻不可爲其爲思忠懇不足故也然而自是已來風氣遂趨文勝齊梁陳隋徒文而已是有興而無思也唐興沿其流而不知返指物命題而觀其巧構形似焉能此者爲進士切題之說由此起也陋不可言而千載傳爲不刊之論由唐制以此取士故也故自太宗時卽有黜文用質之說所謂有激之談也終唐之世賢智率持此論遂成風氣

宋承唐制而不變下之議論亦不變久之益偏重文爲詬病之具矣所謂多有是說而後及其大人者也故至宋而靈均子建無復知爲儒家道學詞章判爲二事愚不肖無質而賢智無文所謂離之兩傷者也明祖近承宋賢黜文用質之說一見於政事然而總彼一代之語言則野之譏亦較宋賢爲甚由此觀之趨庭之教不學詩無以言棘子成發憤子貢變色而爭因委窮源則知六義不明亦非天下之小故也

白水縣崔少府十九翁高齋三十韻

天寶十五年五月作

隱居憂時也哥舒

翰守潼關楊國忠疑其圖己國忠主廟謨於內而掣哥舒之肘於外亂方長而未有艾也

客從南縣來浩蕩無與適旅食白日長況當朱炎赫高齋坐林杪信宿

遊衍閬清晨陪躋攀傲睨俯峭壁崇岡相枕帶曠野懷咫尺始知賢主
人贈此遣愁寂危階根青冥曾冰生淅瀝上有無心雲下有欲落石泉
聲聞復急動靜隨所擊鳥呼藏其身有似懼彈射吏隱適性情茲焉其
窟宅白水見舅氏諸翁乃仙伯杖藜長松陰作尉窮谷僻爲我炊雕胡
逍遙展良覲坐久風頗愁一作怒晚來山更碧相對十丈蛟歛翻盤渦圻

何得空裏雷殷殷尋地脈煙氛藹崒嶭森慘戚崑崙崕峒顛回首
如不隔前軒頽反照巉絕華岳赤兵氣漲林巒川光雜鋒鏑知是相公
軍鐵馬雲霧積玉觴淡無味胡羯豈強敵長歌激屋梁淚下流衽席人
生半哀樂天地有順逆慨彼萬國夫休明備征狄猛將紛填委廟謀蓄
長策東郊何時開帶甲且來釋欲告清宴罷難拒幽明迫三歎酒食旁

何由似平昔

柯劭忞曰幽明論治亂是也下
月初旬潼關破矣所謂迫也

相公注云哥舒翰是也猛將蓋指高仙芝封常清等以前事況今也胡羯豈強敵猶曰賊本不足平所憂別有在耳

題下注云天寶十五載五月作日長朱炎是此時也先是郭李大破史思明嘉山賊勢大蹙漁陽震動祿山悔反詬其謀主曰汝勸我反謂出萬全今歸路已絕困守潼關數月不得進官軍將合萬全安在方是時賊退則萬死進有一生郭李與哥舒合謀皆謂潼關大軍堅守扼賊不可輕動郭李合勢直取漁陽覆其巢穴賊將自亂祿山將爲其下縛獻而楊國忠與哥舒有隙聽信賊諜促戰致敗六月九日潼關不守哥舒未敗時廷臣議論皆謂大功旦夕告成公獨知其將敗耳

塞蘆子

舊次鳳翔詩中今案當在至德元載冬末奔赴行在時也

獻議也肅宗在彭原史思明

高秀巖欲取太原長驅朔方河隴故以秦北戶爲憂欲重兵扼蘆
關絕賊抄我背南乘崤函空虛斷兩京道北也

五城何迢迢迢迢隔河水邊兵盡東征城內空荆杞思明割懷衛秀巖
西未已回略大荒來崤函蓋虛爾延州秦北戶關防猶可倚焉得一萬
人疾驅塞蘆子岐有薛大夫旁制山賊起近聞昆戎徒爲退三百里蘆
關扼兩寇深意實在此誰能叫帝闔胡行速如鬼

肅宗以二月至鳳翔未至之前薛景仙守之詩稱岐有薛大夫知
非鳳翔時矣史思明高秀巖以正月圍太原詩稱二賊一割河衛
一西未已蓋將圍太原未圍太原之時也然則此篇當次二悲之
後二哀之前注引元和郡國志塞門鎮在延州延昌縣西北三十
里蘆子關屬夏州北去鎮十八里沈括云延州今有五城寰宇記